



Broj: 02-11-569/25

Fojnica: 12.03.2025. godine

Na osnovu člana 15 Zakona o principima lokalne samouprave u Federaciji BiH („Službene novine F BiH“, broj: 49/06 i 51/09), člana 39. Statuta Općine Fojnica – Prčišćeni tekst („Službene novine Općine Fojnica“, broj: 2/15) člana 3. Ugovora o dodjeli sredstava za pomoć poplavama ugroženim područjima u Federaciji BiH, broj: 02-11-2140/24 od 20.11.2024. godine potpisanog između Federalnog ministarstva razvoja, poduzetništva i obrta i Općine Fojnica, Odluke o usvajanju programa raspodjele sredstava prikupljeni za saniranje šteta nastalih usljed poplava, broj: 01-04-423-3/25 od 03.03.2025. godine i Odluke o usvajanju programa pomoći poslovnim subjektima za saniranje posljedica poplava na području Općine Fojnica, broj: 01-04-423-4/25 od 03.03.2025. godine, Općinski načelnik, raspisuje

JAVNI POZIV

za podnošenje prijave za pomoć poslovnim subjektima za saniranje posljedica poplave na području općine Fojnica

I - PREDMET

Predmet javnog poziva je dodjela finansijskih sredstava poslovnim subjektima za saniranje posljedica poplave na području općine Fojnica.

II - PRAVO NA PODNOŠENJE PRIJAVE

(1) Na javni poziv se mogu prijaviti samo poslovni subjekti koji su registrovani u skladu sa važećim zakonskim propisima (Zakon o privrednim društvima, Zakon o obrtu, Zakon o ugostiteljstvu, Zakon o unutrašnjoj trgovini), a koji ispunjavaju sljedeće uslove:

- a) Da su pretrpjeli direktnu štetu od poplava u Oktobru 2024. godine na području općine Fojnica
- b) Da je procjenu štete izvršila Komisija za procjenu šteta Općine Fojnica te da je ista evidentirana u Elaboratu o štetama i usvojena na Općinskom vijeću Općine Fojnica.
- c) Da su izmirili obaveze po osnovu javnih prihoda zaključno sa 31.08.2024. godine
- d) Da su izmirili dugovanja na ime javnih prihoda prema Općini Fojnica (komunalna naknada, naknada za javne površine).

(2) Na Javni poziv ne mogu se prijaviti:

- a) Javna preduzeća, javne ustanove, banke i druge finansijske organizacije, osiguravajuća društva, sportske kladionice i poslovni subjekti čija djelatnost obuhvata igre na sreću, javne institucije, organi uprave, organi i jedinice lokalne samouprave, poslovni subjekti čiji su žiro računi blokirani.
- b) Poslovni subjekti koji nisu izmirili obaveze po osnovu javnih prihoda ili nemaju potpisan sporazum o odgodi plaćanja (doprinosi za PIO/MIO i zdravstveno osiguranje i osiguranje od nezaposlenosti zaključno sa 31.08.2024. godine.

III - FINANSIJSKA SREDSTVA ZA REALIZACIJU

Ukupan iznos finansijskih sredstava za realizaciju javnog poziva iznosi 472.387,56 KM.

IV - NAMJENA I CILJ

Prihvatljive su samo aktivnosti čiji je cilj saniranje nastalih posljedica od poplave i to nastale štete koje su prijavljene na obrascima za prijavu štete od posljedica prirodne nesreće.

V - PRIHVATLJIVI TROŠKOVI

Prihvatljivim troškovima za pravdanje dodijeljenih sredstva usljed saniranja posljedica od poplave će se smatrati slijedeći troškovi:

- a) troškovi za nabavku mašina i opreme,
- b) troškovi za popravku mašina i opreme,
- c) troškovi za nabavku sirovina i drugog materijala za redovno obavljanje registrovane djelatnosti,
- d) troškovi nabavke građevinskog materijala,
- e) troškovi građevinskih radova na sanaciji oštećenih objekata.

Neprihvatljivim troškovima smatrat će se troškovi nastali prije dana nastanka poplave (prije 04.10.2024.god).

VI - DOKUMENTACIJA I NAČIN PODNOŠENJA PRIJAVA

(1) Uz prijavu na Javni poziv poslovni subjekti dužni su popuniti prijavni obrazac koji se nalazi u prilogu ovog Javnog poziva, te uz isti dostaviti sljedeće Dokumente:

- a) Rješenje iz sudskog registra sa svim pojedinačnim prilogima ili aktuelni izvod iz sudskog registra, a za ostale poslovne subjekte rješenje o registraciji izdato od strane nadležne općinske službe,
- b) Uvjerjenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (doprinosa za PIO/MIO, zdravstveno osiguranje i osiguranje od nezaposlenosti sa 31.08.2024. godine).
- c) Obavještenje o razvrstavanju subjekata prema klasifikaciji djelatnosti KD 2010 - Federalnog zavoda za statistiku.
- d) Potpisanu i ovjerenu izjavu da je primio/da nije primio pomoć od drugih nivoa vlasti, organizacija, udruženja i drugih pravnih i fizičkih osoba (izjava se nalazi u prilogu ovog Javnog poziva).
- e) Potpisanu i ovjerenu izjavu o namjenskom korištenju sredstava (izjava se nalazi u prilogu ovog Javnog poziva).

Svi Dokumenti moraju biti dostavljeni u originalu ili ovjerenoj kopiji.

Prijave koje ne sadrže svu potrebnu dokumentaciju, bit će odbačene i neće biti predmet daljeg razmatranja Komisije. Sva priložena dokumentacija mora biti izdata od strane nadležnih sudskih ili upravnih organa u FBiH. Dokumentacija ne smije biti starija od 6 (šest) mjeseci od dana objavljivanja Javnog poziva izuzev dokumentacije iz tački a). i c). javnog poziva.

Poslovni subjekti koji se prijavljuju na ovaj Javni poziv podnose prijavu na adresu:

OPĆINA FOJNICA,
Ul. Bosanska 94, 71270 Fojnica
„PRIJAVA NA JAVNI POZIV ZA POMOĆ POSLOVNIM SUBJEKTIMA ZA
SANIRANJE POSLJEDICA OD POPLAVE NA PODRUČJU OPĆINE FOJNICA“

VII - ROK ZA PODNOŠENJE PRIJAVA

Krajnji rok za podnošenje prijave je 15 (petnaest) dana od dana objave Javnog poziva na web stranici Općine Fojnica.

VIII - KRITERIJI ZA VREDNOVANJE PRIJAVA

Kod ocjene pristiglih prijava na javni poziv koristit će se sljedeći kriteriji:

- visina iznosa pretrpljene štete, odnosno konačan izvještaj o nastaloj šteti od Komisije za procjenu šteta na području Općine Fojnica i
- visina primljene pomoći od drugih nivoa vlasti, organizacija, udruženja i drugih pravnih i fizičkih osoba.

IX - KOMISIJA

Općinski načelnik imenuje Komisiju koja će razmatrati pristigle prijave i sačiniti prijedlog Odluke o izboru korisnika sredstava.

X REZULTATI JAVNOG POZIVA

(1) Preliminarni rezultati Javnog poziva objavljuju se na web stranici Općine Fojnica, radi eventualnog ulaganja prigovora u roku od osam (8) dana od dana objave preliminarnih rezultata.

(2) Sa korisnicima sredstava, Općinski načelnik zaključit će ugovor o implementaciji odobrenih sredstava.

XI - IZBOR KORISNIKA FINANCIJSKIH SREDSTAVA I NADZOR NAD KORIŠTENJEM

(1) Izbor korisnika sredstava vrši se u skladu s kriterijima utvrđenih Odlukom o usvajanju programa pomoći poslovnim subjektima za saniranje posljedica poplava na području Općine Fojnica, broj: 01-04-423-4/25 od 03.03.2025. godine.

(2) Općina zadržava pravo odbiti sufinansiranje prijave poslovnih subjekata, ako utvrdi da je podnositelj prijave u postupku prijave dao lažne ili netačne podatke.

(3) Nakon donošenja odluke o izboru korisnika Općinski načelnik sa korisnikom sredstava sklapa ugovor o implementaciji odobrenih sredstava kojim se obavezuje na namjensko trošenje istih.

(4) Korisnici sredstava dužni su, u roku od 3 (tri) mjeseca, od dana potpisivanja ugovora, realizovati aktivnosti iz prijave, dostaviti relevantnu dokumentaciju za namjensko trošenje sredstava koja su im dodijeljena.

XII - NADZOR NAD KORIŠTENJEM SREDSTAVA

(1) U svrhu provođenja kontrole namjenskog korištenja sredstava, Federalno ministarstvo razvoja, poduzetništva i obrta i Općina Fojnica mogu izvršiti provjeru korištenja odobrenih sredstava uvidom u originalnu dokumentaciju, te obilaskom korisnika sredstava i njegovih poslovnih objekata.

(2) Korisnici kod kojih se prilikom kontrole utvrdi nenamjensko trošenje sredstava, bit će dužni vratiti dodijeljena sredstva u roku od 8 (osam) dana od dana zahtjeva davaoca sredstava.

XIII - OSTALE ODREDBE

Nepotpune, neblagovremene i neuredne prijave neće se uzeti u razmatranje.

Sve dodatne informacije mogu se dobiti svakim radnim danom putem telefona: 030/547-719.



OPĆINSKI NAČELNIK

Sabahudin Klisura, dip. ing.